

საჯარო სამართლის იურიდიული პირი –  
ბათუმის ხელოვნების სასწავლო უნივერსიტეტის  
აკადემიური საბჭო

---

ქ. ბათუმი

27 მაისი, 2013 წელი

დადგენილება № 04-01/43

ბათუმის ხელოვნების სასწავლო უნივერსიტეტის  
სტუდენტთა მომსახურების განყოფილების  
დებულების განხილვის შესახებ

„ზოგადი ადმინისტრაციული კოდექსის“ 51-ე, 52-ე და 53-ე მუხლების, „უმადლესი განათლების შესახებ“ საქართველოს კანონის 22-ე მუხლის პირველი პუნქტის, 43-ე მუხლის 1 პუნქტის „ი“ ქვეპუნქტისა და უნივერსიტეტის წესდების მე-9 მუხლის საფუძველზე

აკადემიური საბჭო ადგენს:

1. მოწონებულ იქნას ბათუმის ხელოვნების სასწავლო უნივერსიტეტის სტუდენტთა მომსახურების განყოფილების დებულება, თანახმად დანართისა.
2. დადგენილება დასამტკიცებლად წარედგინოს წარმომადგენლობით საბჭოს.
3. დადგენილება ძალაშია ხელმოწერისთანავე.

აკადემიური საბჭოს  
თავმჯდომარე

ე. მესხია

დანართი

## სსიპ – ბათუმის ხელოვნების სასწავლო უნივერსიტეტის სტუდენტთა მომსახურების განყოფილების

### დ ე ბ უ ლ ე ბ ა

#### 1. ზოგადი დებულებანი

1.1. სსიპ - ბათუმის ხელოვნების სასწავლო უნივერსიტეტის სტუდენტთა მომსახურების სამსახური თავის საქმიანობას წარმართავს ”უმაღლესი განათლების შესახებ” საქართველოს კანონის, უნივერსიტეტის წესდების, ამ დებულებისა და საქართველოს მოქმედი კანონმდებლობის შესაბამისად;

1.2 დებულება განსაზღვრავს ხელოვნების უნივერსიტეტის სტუდენტებთან ურთიერთობის სამსახურის ფუნქციებსა და საქმიანობის ძირითად მიმართულებებს.

#### 2. სტუდენტთა მომსახურების განყოფილების ფუნქციები

2.1. ხელოვნების უნივერსიტეტის სტუდენტებთან ურთიერთობა;

2.2. სტუდენტთა მობილობის ხელშეწყობა;

2.3. უნივერსიტეტის სპორტულ-კულტურული მიმართულების საქმიანობების კოორდინაცია.

2.4. კურსდამთავრებულებთან ურთიერთობა;

2.5. უნივერსიტეტის კურსდამთავრებულთა კლუბის შექმნა და მისი კოორდინაცია;

2.6. სტუდენტებთან, სტუდენტთა საინიციატივო ჯგუფებთან, სტუდენტური პროექტებისა და ნოვატორული ინიციატივების ხელშეწყობა და კოორდინირება;

2.7. კულტურულ-შემეცნებითი, სამეცნიერო, საქველმოქმედო და სხვა ტიპის ღონისძიებების ორგანიზება და კოორდინაცია.

2.8. ხელოვნების უნივერსიტეტის სტუდენტების გაცვლითი პროექტებისა და საზაფხულო პრაქტიკების კოორდინაცია;

2.9. უნივერსიტეტის სტუდენტურ თვითმმართველობასთან შეთანხმებით ერთობლივი ღონისძიებების დაგეგმვა სამთავრობო უწყებებთან და კერძო თუ არასამთავრობო სექტორთან;

2.10. უნივერსიტეტში დამკვიდრებული ტრადიციების გაცნობა, დაცვა, გაღრმავება, თაობათა შორის მემკვიდრეობითობის უწყვეტობის მიზნით;

2.11. უნივერსიტეტის მართვის ორგანოებთან ურთიერთობაში დაიცვას და წარმოადგინოს სტუდენტების ინტერესები, საჭიროების შემთხვევაში უზრუნველყოს უნივერსიტეტის თითოეული სტუდენტის ყოველმხრივი დაცვა არასაუნივერსიტეტო ურთიერთობებში;

2.12. შიდა საუნივერსიტეტო შეჯიბრებების, კონკურსების, ინტელექტუალური თამაშების, საღამო-შეხვედრების ჩატარების ორგანიზება და კოორდინაცია.

2.13. ჩვენი ქვეყნის სტუდენტთა დამეგობრების მიზნით, სხვადასხვა უმაღლეს საგანმანათლებლო დაწესებულებებთან სპორტული შეჯიბრებების და საქველმოქმედო სახის შემოქმედებითი ღონისძიებების გამართვა;

- 2.14. ლაშქრობებისა და სპორტულ-გასართობი ხასიათის ღონისძიებების კოორდინაცია;
- 2.15. შემოქმედებითი საღამოების და კულტურულ-შემეცნებითი ხასიათის ღონისძიებების კოორდინაცია;
- 2.16. ინტელექტუალური და შემეცნებითი ხასიათის ღონისძიებების ორგანიზება;
- 2.17. ხსოვნის საღამოების ორგანიზება და ამგვარი სახის ღონისძიებების დამკვიდრება, უნივერსიტეტის კედლებში მოღვაწე გამოჩენილი მეცნიერების გავლილი შემოქმედებითი ცხოვრების გასახსენებლად, ახალგაზრდებში მათი სამეცნიერო საქმიანობის პოპულარიზაციისათვის და შემოქმედებითი საქმიანობისათვის ინტერესის გასაღვივებლად;
- 2.18. პატრიოტული სულისკვეთების ამაღლების, საკუთარი ქვეყნის წარსულის უკეთ შეცნობის მიზნით უნივერსიტეტის თანამშრომლებისა და სტუდენტების ჩართვა საეკლესიო და ისტორიული კულტურის ძეგლების აღდგენის სამუშაოებში;
- 2.19. უნივერსიტეტის სპორტული და კულტურული მიღწევების მნიშვნელობის და დეპარტამენტის სპეციფიკით განსაზღვრული სხვა საქმიანობების პოპულარიზაციის მიზნით ბროშურების გამოცემა
- 2.20. უფლებამოსილია განახორციელოს მოქმედი კანონმდებლობითა და ამ დებულებით მათზე დაკისრებული სხვა უფლებამოსილებანი;

### **3. განყოფილების სტრუქტურა**

- 3.1. განყოფილებას ხელმძღვანელობს განყოფილების უფროსი;
- 3.2. განყოფილებაში არის სპეციალისტი.
- 3.3. განყოფილების სპეციალისტს თანამდებობებზე ნიშნავს და თანამდებობიდან ათავისუფლებს ბხსუ-ს რექტორი;

### **4. საზოგადოებასთან და მედიასთან ურთიერთობა**

- 4.1 უნივერსიტეტის მიერ ორგანიზებული ღონისძიებების შესახებ მასობრივი ინფორმაციის საშუალებების ინფორმირება.
- 4.2 მოწვეული უცხოელი სპეციალისტების, მეცნიერების, პროფესორების მიერ საჯარო ლექციების, მასტერკლასების, ვორკშოპების, სტუდენტური სამეცნიერო კონფერენციების, აგრეთვე სხვადასხვა დაგეგმილი ღონისძიებების ორგანიზებასა და განხორციელებას.
- 4.3 ორგანიზებას უწევს უნივერსიტეტის ისტორიისა და კულტურის შემცველი ელემენტების შეგროვებას, შეფუთვის და აბიტურიენტებისათვის და დაინტერესებულ პირთათვის ინფორმაციის მიწოდებას.
- 4.4 უნივერსიტეტის ვებსაიტის საშუალებით სტუდენტობასთან და აბიტურიენტებთან აქტიურ თანამშრომლობას, ინტერნეტ-გამოკითხვების ჩატარებას, სტუდენტური საქმიანობის ისტორიის შექმნას.

### **5. დასკვნითი დებულებები**

- 5.1. დებულება ძალაშია ბხსუ-ს წარმომადგენლობითი საბჭოს მიერ მისი დამტკიცების მომენტიდან;
- 5.2. დებულება ძალას კარგავს ახალი დებულების დამტკიცების ან განყოფილების ლიკვიდაციის შემთხვევაში.

სწორია: